

國朝先正事略

一
函六冊

國朝先正事略卷之八 名臣

平江李元度次青纂

高忠烈公事略

子其佩

文恪公其位

猶子文良公其

高公諱天爵字君龍漢軍鑲曰旗人。後以子其位任大學士時。改隸鑲黃旗。先世居鐵嶺。父尙義隨征松山。杏山及太原有功。子輕車都尉世職。公少讀書。善騎射。慷慨重義。順治四年。田貢生除知高苑縣。躬擐甲捕巨盜。謝王等。博興縣爲賊所陷。公夜率眾馳救之。賊皆遁走。遷知信陽州。以經略洪承疇薦。擢長沙知府。大兵進攻。明桂王公奉檄。理軍餉。聞父病。力請去。官十六年。再授江西建昌府。先是廣昌山賊王昂傳勝等聚眾數千。踞

羊石滴水二砦爲老巢。時出劫掠。砦勢險峻。官軍仰攻。輒不利。因罷攻。招之降。王昂勝傳佯就撫。仍伺隙煽亂。官軍擒之。斃于獄。餘賊益負固抗拒。乃依山立柵。困之。十八年夏。公與巡道張永祺等定計。乘風雨交作時。分布官軍直搗滴水砦。破之。進攻羊石砦。並截賊去路。斬馘千餘。傷斃及墮崖死者無算。因赭山鑿險以絕後患。生擒賊渠。幸連升。周由義等及王昂之父王尙智所掠丁口悉還其家。事聞得優叙。在建昌最久。多善政。康熙十三年。遷兩淮鹽運使。未行。耿精忠據福建叛。出兵攻建昌。或謂可亟去。公慨然曰。吾守此土十六年。雖受代。豈可遽去。當殉此城耳。時城中將吏多陰從賊。公知事不可爲。乃命其子奉母。

從閒道出自跨馬率家僮數十人禦賊萬年橋賊不能越守將
趙印已降賊乘公刀戰時從後縛之遂執以入閩累誘降皆不
屈繫獄中越歲餘公與副將王進等謀遣千總徐得功出仙霞
國請大兵入閩陰結死士爲內應謀洩被害時十五年九月四
日也詔贈太僕卿廕一子三十五年福建巡撫卞永譽請以
公及福甯總兵吳萬福福州知府王之儀邵武知府張瑞午建
甯同知喻三畏邵武同知高舉侯官知縣劉嘉猷尤溪知縣李
堦福州城守參有功等合祀省城西門外得旨允行四十六
年予其佩官浙江溫處道爲父請匾額御書蓋臣義烈額其
家詞復請謚特賜謚曰忠烈雍正四年長子其位官大學士
國月七年三月

其佩官都統同奏請

論祭得

旨高天爵捐軀殉難大節可

嘉高其位高其佩乃現大學士都統大臣爲父請卹甚是可加
贈禮部尙書銜追賜卹典七年入祀昭忠祠

其佩字韋之一字且園公第五子也由宿州知州內遷員外郎
出爲溫處道坐署運使虧鹽課奪官尋開復五十四年補四川
永甯道就遷按察使雍正元年內遷光祿卿擢刑部侍郎晉都
統仍兼刑部侍郎三年夏命同侍郎史貽直往西川審理年
羹堯誣罰茶商私佔鹽窩各款又陝西邵陽縣因私鹽致死無
事入百餘人事皆得實五年坐讞獄失入奪侍郎仍留都統任
尋罷其佩天資超逸工詩兼善指頭畫海內珍之

其位字宜之一字韞園初由筆帖式管佐領康熙十三年吳三桂陷湖南順承郡王勒爾錦統師征之其位從征至襄陽會總兵楊來嘉叛命其位率二十騎覘虛實猝遇賊眾二萬人于土地嶺其位出其不意衝突之賊驚潰且斫且馳至南漳入城守禦衣上血模糊刀刃盡缺叛賊譚洪率舟師三萬向鄖陽其位以百人扼楊溪埔賊蜂擁至其位據岸射賊矢無虛發相持七十日糧盡煮馬鞍以食誓必死會副都統李麟隆擊破賊乃全師歸由是每戰必先登前後給功牌十有二薦擢襄陽總兵五十二年擢湖廣提督賜孔雀翎及褭鞞鞍馬五十六年自陳乞罷論嘉其和輯兵民聲望素著令供職如故六十年調江

南提督明年

特命署兩江總督雍正元年入覲

命仍回提

督任四月疏請保護

聖躬得

自此奏字句之外實有一片愛君之心發乎至誠非

泛泛虛文可比尋疏言松江之泖湖澱湖澄湖港汊紛歧與浙

江錯壤與太湖毘連經兩省督撫與臣委官勘議防奸法計松

江所屬通船要口百十有三處釘椿立柵以時啟閉官捐王料

百姓樂趨事已將次告成手勅報曰權宜措置必無礙商民

乃善尋賜

御製詩有裨益軍民資偉畧劑調文武在和衷之

句二年奏進黃浦漁人所網得雙夔龍組未刻玉印

諭曰此

事若出自他人朕不信也卿乃忠實老臣斷不至有捏造虛誕

之舉。今賜卿四團龍補服等物。以示嘉悅。三年夏。

世宗諭廷臣曰。高其位前署總督時。年羹堯奏其年老衰憊。兩耳重聽。恐貽誤地方。及朕卽位。猶記羹堯之言。特召來京。陛見。覲其人。老成忠厚。善氣迎人。雖已老而精力尙可用。卽此可見羹堯之險詐也。九月。拜文淵閣大學士。兼禮部尙書。加太子太傅。公以衰老不勝機務。辭弗許。四年五月至京。改隸鑲黃旗。尋乞休。諭以跪拜艱難。高年長有之事。不必遽求退。十月。公八十生辰。賜匾聯及服食等物。白金一千兩。十一月。復乞休。得旨。卿官力年久。老成練達。著賢聲。是以簡任機務。用昭優眷。前次乞休。朕未忍俞。允。今復奏請。情詞懇切。可原官致仕。五年。

正月薨。命王大臣侍衛奠茶酒。賜祭塋如例。謚文恪。十二年，詔入祀賢良祠。次子續勲襲世職。長子起由任子授茂州知州。遷漢中知府。荆南道內遷。光祿少卿。康熙三十一年擢副都統。晉兵部右侍郎。雍正十三年擢兵部尚書。尋以都統銜在雍和宮行走。未幾卒。其倬字章之號芙沼忠烈公。猶子也。父廕爵。任口孔道其倬由康熙二十三年進士選庶吉士。乞假歸閉戶讀書數年始就職授檢討。

聖祖奇其貌欲試以外事。會四川有獄未決。命往訊歸。上問打箭爐形勢。日陳手畫沈詳不煩。

上器之

命典試四川。遷中允侍講。督山西學政。再遷侍講學。

士擢內閣學士。五十九年巡撫廣西。會鄧橫苗叛。單騎入寨諭以朝廷威德。衆棄刃羅拜。受約束而還。逾年擢雲貴總督。土司承襲向有規吏胥。每因文結舛錯。藉端需索。公嚴行禁革。先是青海吉羅卜藏丹津肆逆。謀進西藏。公以雲南中甸爲進藏咽喉。地請調鶴麗劍川兵鎮之。壘田陸涼州。積谷備運。改哀牢土司爲流官。苗民蠢動。遣兵迎勸。大小三十二戰。平魯魁茅洞諸寨逆渠。先後就俘。二年春。青海平。中間諸番目攜三千五百戶。繳偽劄納土歸誠。公疏聞。并條奏中甸善後事宜五則。魯魁山善後事宜九則。

上嘉其妥協

聖書褒美

賞騎都尉世職尋勅平貴州狎家

苗叛會阿近等

諭部優叙復條奏貴州苗疆事宜八則下部

議行三年加兵部尚書太子少傅十月調閩浙總督瀕行奏請

豁免雲南鶴慶府鄧州嵩明騰越三州六和浪穹二縣重輸軍

賦允之行抵浙東聞福建饑即請撥溫台倉谷七萬石運閩平

糶四年疏陳福興漳泉等府地狹人稠自平定台灣以來生齒

日繁無田可耕勢且流爲盜賊從前海禁過嚴請弛禁以廣謀

生之路詔下怡親王會同大學士九卿議行五年尋勅台灣

兇番骨宗等二十名各社相繼歸誠十年詔以李衛爲浙江

總督命其俾專督福建六年條奏福建鹽政事宜四則部議

從之。又以原任御史蕭震當耿逆叛時。與邵武守張端午等合謀討賊。事洩被害。妻妾媳婢皆死之。端午業蒙卹典。而震獨遺疏請入鄉賢祠。致祭旌其門。詔如所請。七年秋。入覲。賜御製詩。有操懷水霜功帶礪。匡時重鎮。眷良臣之句。八年。晉太子太保。調督兩江。先是。上以其倬通曉堪輿術。命詣福陵恭視形勢。工程至是復命來京。隨怡賢親王相度。萬年吉地于易州之太平峪。諭嘉其悉心籌度。實出于忠愛。至誠。特授輕車都尉。并前所得騎都尉。爲三等男。尋署雲貴廣西總督。九年。疏言雲南昭通府四面環山。請委官專辨墾務。定

爲水旱生熟四項分給兵民保士各戶墾種按年收谷還本後起科輸米以省兵米運費下部議行十一年命仍回兩江任會普沮府屬思茅土目刀國興等煽亂遣將討平之擒其酋并賊屬五百餘人九月詔以總督銜管江蘇巡撫事尋坐瞻徇左遷巡撫十三年疏劾淮關監督年希堯庇縱玷職黜之乾隆元年以疾召還京未幾授湖北巡撫調湖南二年湖南城步綏甯獮糾黨焚劫遣將分勦之賊黨平命優叙三年擢工部尙書調戶部十月薨于寶應舟次年六十三遺疏入優詔悼惜沿途遣官弁護送回旗尋賜祭塋予謚文良公揚休王色進止嚴重目不能遠視無事輒詠開則精光射人爲人淵深

凝靜每奏事。天語褒嘉或忤。旨旦夕禍不測而公施施如
平時。人欲窺公顏卜主眷盛衰不可得也。
世宗知公寬不能掖之使奮代人匿瑕藏疾至累及終不悔然
于國憲民瘼大綱必舉中外推鉅人長德無異詞故雖詔書
迫責而封疆重任十三年如一日西師大事必密與謀青海降
魯和羅爾萬逃。

上以問公公奏有之不爲多無不爲少宜撫其不逃者愧其逃
者。

上嘉納焉。孫文定嘉淦少時殺人報仇公督學時脫其罪終身
執弟子禮甚恭李敏達衛任慎藩時與安南爭鉛厰河有旨

切責公引爲已咎。李慚感次骨。松江提督補熙將之任。上慮公在江久。不無稗政。命補察劾。旨甚嚴。及抵江。聞眾稱公賢。以實奏。

上曰。補熙不迎合。樸誠可嘉。即擢總漕。嗚呼。公與補皆不可及。而世宗之神聖。爲何如也。所著奏疏十卷。味和堂詩集八卷。公少以詩名。稱一代作手。繼配蔡夫人。綬遠大將軍毓榮女。亦能詩。

甘忠果公事略 朱國治

李興元

甘公文焜字仲明其先江西豐城人後徙遼東父應魁從世祖入關隸正藍旗漢軍官至副將公幼事母至孝稍長好讀書精騎射負志節以父廕讓其弟由筆帖式擢啟心郎改大理少卿康熙二年遷順天府尹以法繩下貴幸家皆歛迹崇文門稅苛露章奏之六年巡撫直隸先是郝都憲惟訥以督撫親巡屬邑官吏因緣派累民間奏罷巡歷例公疏言巡撫不巡視所屬則吏治民隱無由悉知如其不賢則雖坐守會城而苛屬擾民之事不一若果賢自愛名節輕騎減從纖毫不以累其民而年歲豐歉民間利病有司貪廉悉無遁情請仍敕令巡視但

申嚴苛擾例。禁疏下部。寢其議。

聖祖特詔允行。著爲令。公單騎巡所部。禁暴卹郵。緝姦除盜。知

無不爲。疏報保定真定等屬。秋雨爲災。請全蠲歲賦。其已征夏
稅。流抵來年。部議止。按例減免。特旨全蠲。其已征者。許抵來

年之數。公復劾昌平順義懷柔密雲文河各州縣遲報水災。論

如律。七年擢雲貴總督。奏禁各驛站于額役夫役外。派民協助

時。吳三桂駐雲南。總督駐貴陽。三桂蓄異志。久僭侈踰法。公持

大體。多所裁抑。又以時訓練部兵。甲嚴紀律。思制其孽芽。三桂

頗憚。公威名未卽發。乃詭報土番康東入寇。又陰喉凱里諸苗

煽亂。羽檄交馳。以覘公措置。公料康東無能爲。凱里近在肘腋。